


高僧傳

卷十

四百五十七
廣四

5-1296



元祿九年丙子二月日重脩

皇國聖德太子

佛國增輝 齋堂常轉

山城州天安寺法金剛院置



高僧傳卷第十

梁會稽嘉祥沙門

慧皎撰

廣

神異下

犍陀勒一

訶羅竭二

竺法慧三

安慧則四

涉公五

釋曇霍六

史宗七

杯度八

釋曇始九

釋法朗十

邵碩十一

釋慧安十二

釋法匱十三

釋僧慧十四

釋慧通十五

釋保誌十六

犍陀勒者本西域人來至洛陽積年衆雖敬其



風操而終莫能測後謂衆僧曰洛東南有槃
鷄山山有古寺廟處基墟猶存可共修立衆
未之信試逐檢視入山到一處四面平坦勒
示云此即寺基也即掘之果得寺下石基後
示講堂僧房處如言皆驗衆咸驚歎因共修
立以勒爲寺主去洛城一百餘里朝朝至洛
陽諸寺赴中暮輒乞油一鉢還寺燃燈以此
爲常未曾違失有人健行欲隨勒觀其遲疾
奔馳流汗恒苦不及勒今執袈裟角唯聞厲
風之響不復覺倦須臾至寺勒後不知所終
訶羅竭者本憇陽人少出家誦經二百萬言
性虛玄守戒節善舉措美容色多行頭陀獨

宿山野晉武帝太康九年暫至洛陽時疫疾甚流死者相繼竭爲呪治十差八九至晉惠帝元康元年乃西入止婁至山石室中坐禪此室去水旣遠時人欲爲開澗竭曰不假相勞乃自起以左脚跟室西石壁壁陷沒拍旣拔足水從中出清香濡美四時不絕來飲者皆止飢渴除疾病至元康八年端坐從化弟子依國法闍維之焚燎累日而尸猶坐火中永不灰燼乃移還石室內後西域人竺定字安世晉咸和中往其國親自觀視見尸儼然平坐已三十餘年定後至京傳之道俗竺法慧本關中人方直有戒行入嵩高山事

浮菴蜜爲師晉康帝建元元年至襄陽止羊叔
子寺不受別請每乞食輒賣繩牀自隨於閑
曠之路則施之而坐時或遇雨以油帔自覆
雨止唯見繩牀不知慧所在訊問未息慧已
在牀每語弟子法昭曰汝過去時折一鷄脚
其殃尋至俄而昭爲人所擲脚遂永疾後語
弟子云新野有一老公當命過吾欲度之仍
行於畦畔之間果見一公將牛耕田慧從公
乞牛公不與慧前自捉牛鼻公懼其異遂以
施之慧牽牛呪願七步而反以牛還公公少
日而亡後征西庾稚恭鎮襄陽旣素不奉法
聞慧有非常之迹甚嫉之慧預告弟子曰吾

宿對尋至誠勸眷屬今懃修福善介後二日
果收而刑之春秋五十八矣臨死語衆人云
吾死後三日天當暴雨至期果洪注城門水
深一丈居民淹沒多有死者時有范材者巴
西閩中人初爲沙門賣卜于河東市徒跣弊
衣冬夏一服言事亦頗時有驗後遂退道染
習張陵之教云

安慧則未詳氏族少無恒性卓越異人而工
正書善談吐晉永嘉中天下疫病則晝夜祈
誠願天神降藥以愈萬民一日出寺門見兩
石形如甕則疑是異物取看之果有神水在
內病者飲服莫不皆愈後止洛陽大市寺乎

自細書黃縑寫大品一部合爲一卷字如小
豆而分明可識凡十餘本以一本與汝南周
仲智妻胡母氏供養胡母過江賈經自隨後
爲灾火所延倉卒不暇取經悲泣懊惱火息
後仍於灰中得之首軸顏色一無虧損于時
同見聞者莫不迴邪改信此經今在京師簡
靖寺靖首居處時洛陽又有康慧持者亦神
異通靈云

涉公者西域人也虛靖服氣不食五穀日能
行五百里言未然之事驗若指掌以符堅建
元十一年至長安能以秘呪呪下神龍每旱
堅常請之呪龍俄而龍下鉢中天輒大雨堅

及群臣親就鉢中觀之咸歎其異堅奉爲國
神士庶皆投身接足自是無復炎旱之憂至
十六年十二月無疾而化堅哭之甚慟卒後
七日堅以其神異試開棺視之不見尸骸所
在唯有殮被存焉至十七年自正月不雨至
于六月堅減饔撤懸以迎和氣至七月降雨
堅謂中書朱彤曰涉公若在朕豈焦心於雲
漢若是哉此公其大聖乎彤曰斯術幽遠實
亦曠古之奇也

釋曇霍者未詳何許人蔬食苦行常居家間
樹下專以神力化物時河西鮮卑偷髮利鹿
孤僭據西平自稱爲王号年建和建和二年

十一月霍從河南來至自西平持一錫杖令人跪之去此是波若眼奉之可以得道人遺其衣物受而輒投諸地或放之河中有頃衣自還本主一無所汙行疾如風力者追之恒困不及言人死生貴賤毫釐無爽人或蔽其錫杖霍閉目少時立知其處並竒其神異終莫能測然因之事佛者甚衆鹿孤有弟穉檀假署車騎權傾僞國性猜忌多所賊害霍每謂檀曰當修善行道爲後世橋梁檀曰僕先世已來恭事天地名山大川今一旦奉佛恐違先人之旨公若能七日不食顏色如常是爲佛道神明僕當奉之乃使人幽守七日而霍無飢渴

之色檀遣沙門智行密持餅遺霍霍曰吾嘗誰
欺而欺國王耶檀深竒之厚加敬仰因此改信節
殺興慈國人既蒙其祐咸稱曰大師出入街巷百
姓並迎爲之禮檀有女病甚篤請霍救命霍曰
死生有命聖不能轉吾豈能延壽正可知早晚
耳檀固請之時宮後門閉霍曰急開後門及開
則生不及則死檀命開之不及而卒至晉義熙
三年穉檀爲勃勃所破涼土兵亂不知所之
史宗者不知何許人常著麻衣或重之爲納
故世号麻衣道士身多瘡疥性調不恒常在
廣陵白土埭凭埭謳唱引絃以自欣暢得直
隨以布施人栖態無定所或隱或顯時高平

檀祇爲江都令聞而召來應對機捷無所拘
滯博達稽古辯說玄儒乃賦詩一首曰有欲
苦不足無欲亦無憂未若清虛者帶索披玄
裘浮遊一世間況若不繫舟方當畢塵累栖
志且山丘檀祇知非常人遣還所在遺布二
十匹悉以乞人後有一道人不知姓名常賣
一杖一箱自隨嘗逼暮來詣海益令云欲數
日行暫請一人可見給不令曰隨意取之乃
選取守鵝鴨小兒形服最醜者將去倏忽之
間至一山上山上有屋屋中有三道人相見
欣然共語小兒不解至中許道人爲小兒就
主人索食得一小甌食狀如熟艾食之飢止

向曠道人辭欲還聞屋中人問云君知史宗
所在不其謫何當竟道人云在徐洲江北廣
陵白土埭上計其謫亦竟也屋中人便作書
曰因君與之道人以書付小兒比曉便至縣
與令相見云欲少日停此令曰大善問箱中
有何等荅云書疏耳道人常在聽事止眠以箱
杖著牀頭令使持時人夜偷取欲看之道人
已知暮輒高懸箱杖當下而卧永不可得後
與令辭曰吾欲小停而君恒欲偷人正尔便
去耳令呼先小兒問近所經小兒云道人令
其捉杖飄然而去或聞足下波浪耳并說山
中人寄書猶在小兒衣帶令開看都不解乃

寫取封其本書令人送此小兒至白土埭送
與史宗宗開書大驚云汝那得蓬萊道人書
耶宗後南遊吳會嘗過漁梁見漁人大捕宗
乃上流洗浴群魚皆散其潛拯物類如此後
慙上虞龍山大寺善談莊老究明論索而韜
光隱迹世莫之知會稽謝邵魏邁之放之等
並篤論淵博皆師受焉後同止沙門夜聞宗
共語者頗說蓬萊上事曉便不知宗所之陶
淵明記白土埭遇三異法師此其一也或云
有商人海行於孤洲上見一沙門求寄書與
史宗置書於舩中同侶欲看書書著舩不脫
及至白土埭書飛起就宗宗接而將去

杯度者不知姓名常乘木杯度水因而爲目
初見在冀州不修細行神力卓越世莫測其
由來嘗於北方寄宿一家家有一金像度竊
而將去家主覺而追之見度徐行走馬逐而
不及至孟津河浮木杯於水憑之度河無假
風棹輕疾如飛俄而度岸達于京師見時河
年四十許帶索縑縷殆不蔽身言語出沒喜
怒不均或嚴冰扣凍而洗浴或著屐上山或
徒行入市唯荷一蘆圖子更無餘物乍往延
賢寺法意道人戲意以別房待之後欲往瓜
步江於江側就航人告度不肯載之復累足
杯中顧眄吟詠杯自然流直度北岸向廣陵

遇村舍有李家八關齋先不相識乃直入齋堂而坐置蘆圖於中庭衆以其形陋無恭敬心李見蘆圖當道欲移置墻邊數人舉不能動度食竟提之而去笑曰四天王福於李家于時有一豎子窺其圖中見四小兒並長數寸面目端正衣裳鮮潔於是追覓不知所在後三日乃見在西界蒙籠樹下坐李家拜請還家日日供養度不甚持齋飲酒噉肉至於辛鱠與俗不殊百姓奉上或受不受沛國劉興伯爲兗州刺史遣使邀之負圖而來興伯使人舉視十餘人不勝伯自看唯見一敗納及一木杯後還李家復得三十餘日清且忽云欲

得一袈裟中時令辦李即經營至中未成度
云暫出至瞑不反合境聞有異香疑之爲恠
處處覓度乃見在北巖下鋪敗袈裟於地卧
之而死頭前脚後皆生蓮華華極鮮香一夕
而萎邑人共殯葬之後數日有人從北來云見
度負蘆圖行向彭城乃共開棺唯見鞞履旣
至彭城遇有白衣黃欣深信佛法見度禮拜
請還家其家至貧但有麥餅而已度甘之怡然
止得半年忽語欣云可覓蘆圖三十六枚吾
須用之荅云此間正可有十枚貧無以買恐
不盡辦度曰汝但檢覓宅中應有欣即窮檢
果得三十六枚列之庭中雖有其數亦破

賤比欣次第熟視皆已。新完度密封之。因語
欣令開。乃見錢帛皆滿。可堪百許萬。識者謂
是杯度分身。他土所得。賸施迴以施。欣欣受
之。皆爲功德。經一年許。度辭去。欣爲辦糧食。
明晨見糧食具存。不知度所在。經一月許。復
至京師。時湖溝有朱文殊者。少奉法。度多來
其家。文殊謂度云。弟子脫捨身沒苦。願見救
度。脫在好處。願爲法侶。度不荅。文殊喜曰。佛
法默然已爲許矣。後東遊入吳郡。路見釣魚
師。因就乞魚。漁師施一餒者。度手弄。反覆還
投水中。游活而去。又見網師。更從乞魚。網師
瞋罵不與。度乃拾取兩石子。擲水中。俄而有

兩水牛鬪其網中網既碎敗不復見牛度亦
已隱行至松江乃仰蓋於水中乘而度岸經
涉會稽剡縣登天台數月而反京師時有外
國道人名僧佉寄都下長干寺住有客僧
僧悟者與佉同房寘於窻隙中見佉取寺剡
捧之入雲然後將下悟不敢言但深加敬仰
時有一人姓張名奴不知何許人不甚見食
而常自肥悅冬夏常著單布衣佉在路行
見張奴欣然而笑佉曰吾東見蔡旆南訊
馬生北遇王年今欲就杯度乃與子相見耶
張奴乃題槐樹而下歌曰濛濛大象內照曜實
顯彰何事迷昏子縱惑自招殃樂所少人往

苦道若翻囊不有松栢志何用擬風霜閑預
紫烟表長歌出昊蒼澄虛無色外應見有緣
鄉歲曜毗漢后辰麗傳殷王伊余非二仙晦
迹之九方亦見流俗子觸眼致酸傷略謠觀
有念寧曰盡衿章佉曰前見先生禪思幽
岫一坐百齡大悲熏心靖念枯骨亦題頌曰
悠悠世事惑滋損益使欲塵神橫生悅懌惟
此哲人淵覺先見思形浮沫矚影遄電累躋
聲華蔑醜章弁視色悟空翫物傷變捨紛絕
有斷習除戀青條曲蔭白茅以薦依畦啜麻
鄰崖飲滂慧定計昭妙真曰眷慈悲有增深
想無倦言竟各去介後月日不復見此二人

傳者云將僧悟共之南岳不反張奴與杯度相見甚有所叙人所不解度猶停都少時遊止無定請召或往不往時南州有陳家頗有衣食度往其家甚見料理聞都下復有一杯度陳父子五人咸不信故下都看之果如其家杯度形相一種陳爲設一合蜜薑及刀子熏陸香手巾等度即食蜜薑都盡餘物宛在膝前其父子五人恐是其家杯度即留二弟停都守視餘三人還家家中杯度如舊膝前亦有香刀子等但不噉蜜薑爲異乃語陳云刀子鈍可爲磨之二弟都還云彼杯度已移靈鷲寺其家忽求黃紙兩幅作書書不成字合

同其背陳問上人作何券書度不答竟莫測
其然時吳郡民朱靈期使高驪還值風舶飄
經九日至一洲邊洲上有山山甚高大入山
採薪見有人路靈期乃將數人隨路告乞行
十餘里聞磬聲香烟於是共稱佛禮拜須臾
見一寺甚光麗多是七寶莊嚴見有十餘僧
皆是石人不動不搖乃共禮拜速行步少許
聞唱導聲還往更看猶是石人靈期等相謂
此是聖僧吾等罪人不能得見因共竭誠懺
悔更往乃見真人為期等設食食味是菜而
香美不同世食竟共叩頭禮拜乞速還至鄉
有一僧云此間去都乃二十餘萬里但令至

心不憂不速也因問期云識杯度道人不答
言甚識因指北壁有一囊掛錫杖及鉢云此
是杯度許今因君以鉢與之并作書著函中
別有一青竹杖語言但擲此杖置舫前水中
閉舫靜坐不假勞力必令速至於足辭別令
一沙弥送至門上語言此道去行七里便至
舫不須從先路也如言西轉行七里許至舫
即具如所示唯聞舫從山頂樹木上過都不
見水經三日至石頭淮而住亦不復見竹杖
所在舫入淮至朱雀乃見杯度騎大航蘭以
箠捶之曰馬馬何不行觀者甚多靈期等在
舫遙禮之度乃自下舫取書并鉢開書視之

字無人識者度大笑曰使我還那取鉢擲雲
中還接之云我不見此鉢四千年矣度多在
延賢寺法意處時世以此鉢異物競往觀之
一說云靈期舫漂至一窮山遇見一僧來云是
度上弟子昔持師鉢而死治城寺今因君以
鉢還師但令一人擎鉢舫前一人正拖自安
隱至也期如所教果獲全濟時南州杯度當
其騎蘭之日介日早出至晚不還陳氏明旦
見門扇上有青書六字云福德門靈人降字
劣可識其家杯度遂絕迹矣都下杯度猶去
來山邑多行神呪時庾常婢偷物而叛四追
不擒乃問度度云已死在金城江邊空冢中

往看果如所言孔甯子時爲黃門侍郎在廡
患痢遣信請度度呪竟云難老見有四鬼皆
被傷截甯子泣曰昔孫恩作亂家爲軍人所
破二親及叔皆被痛酷甯子果死又有齊諧
妻胡母氏病衆治不愈後請僧設齋齋坐有
僧聰道人勸迎杯度度旣至一呪病者即愈
齊諧伏事爲師因爲作傳記其從來神異大
略與上同也至元嘉三年九月薛諧入東甯
一万錢物寄諧倩爲營齋於是別去行至赤
山湖患痢而死諧卽爲營齋并迎尸還葬建
業之覆舟山至四年有吳興邵信者甚奉法
遇傷寒病無人敢看乃悲泣念觀音忽見一

僧來云是杯度弟子語云莫憂家師尋來相看
看荅云度師以死何容得來道人云來復何
難便衣帶頭出一合許散與服之病即差又
有杜僧哀者住在南崗下昔經伏事杯度見
病甚篤乃思念恨不得度練神呪明日忽見
度來言語如常即爲呪病者便愈至五年三
月八日度復來齊諧家呂道慧聞人怛之杜
天期水丘熙等並共見皆大驚即起禮拜度
度語衆人言年當大凶可勲修福業法意道
人甚有德可往就其修立故寺以禳災禍也
須臾間上有一僧喚度度便辭去云貧道當
向交廣之間不復來也齊諧等拜送慇懃於

是絕迹頃世亦言時有見者既未的其事故無可傳也

釋曇始關中人自出家以後多有異迹晉孝武太元之末賈經律數十部往遼東宣化顯授三乘立以歸戒蓋高句驪聞道之始也義熙初復還關中開導三輔始足白於面雖跣涉泥水未嘗沾濕天下咸稱白足和尚時長安人王胡其叔死數年忽見形還將胡遍遊地獄示諸果報胡辭還叔謂胡曰既已知因果但當奉事白足阿練胡遍訪衆僧唯見始足白於面因而事之晉末朔方凶奴赫連敦敦破獲關中斬戮無數時始亦遇害而刃不

能傷勃勃嗟之普赦沙門悉皆不殺始於是潛遁山澤修頭陁之行後託跋燾復剋長安擅威關洛時有博陵崔皓少習左道猜嫉釋教既位居僞輔燾所伏信乃與天師寇氏說燾以佛化無益有傷民利勸令廢之燾既惑其言以僞太平七年遂毀滅佛法分遣軍兵燒掠寺舍統內僧尼悉令罷道其有竄逸者皆遣人追捕得必梟斬一境之內無復沙門始唯閉絕幽深軍兵所不能至至太平之末始知燾化時將及以元會之日忽杖錫到宮門有司奏云有一道人足白於面從門而入燾令依軍法屢斬不傷遽以白燾燾大怒自以

所佩劔斫之體無餘異唯劔所著處有痕如
布線焉時比園養虎于檻燾令以始餒之虎
皆潛伏終不敢近試以天師近檻虎輒鳴吼
燾始知佛化尊高黃老所不能及即延始上
殿頂禮足下悔其讐失始爲說法明辯因果
燾大生愧懼遂感癘疾崔殺二人次發惡病
燾以過由於彼於是誅剪二家門族都盡宣
下國中興復正教俄而燾卒孫濬襲位方大
弘佛法盛迄于今始後不知所終
釋法朗高昌人幼而執行精苦多諸徵瑞輒
光蘊德人莫測其所階朗師釋法進亦高行
沙門進嘗閑戶獨坐忽見朗在前問從何處

來荅云從戶鑰中入云與遠僧俱至日既將
中願爲設食進即爲設食唯聞匕鉢之聲竟
不見人昔廬山慧遠嘗以一袈裟遺進進即
以爲覲朗云衆僧已去別日當取之後見執
麈者就進取衣進即與之訪常執麈者皆云
不取方知是先聖人權迹取也至魏虜毀滅
佛法朗西適龜茲龜茲王與彼國大禪師結
約若有得道者至當爲我說我當供養及朗
至乃以白王王待以聖禮後終於龜茲焚尸
之日兩肩湧泉直上于天衆歎希有收骨起
塔後西域人來此土具傳此事時涼州復有
沙門智整亦貞苦有異行爲主楊難當所事

後入寒峽山石穴中不反

邵碩者本姓邵名碩始康人居無常所恍惚如狂爲人大口眉目醜拙小兒好追而弄之或入酒肆同人酣飲而性好佛法每見形像無不禮拜讚歎悲感流淚碩本有三男二女大男惠生者亦出家碩以宋初亦出家入道自稱碩公出入行往不擇晝夜遊歷益部諸縣及往蠻中皆因事言謔協以勸善至人家眠地者家必有死就人乞細席必有小兒三時咸以此爲讖至四月八日成都行像碩於衆中匍匐作師子形次日郫縣亦言見碩作師子形乃悟其分身也刺史蕭慧開及劉孟

明等並挹事之孟明以男子衣衣二妾試碩
云以此二人給公爲左右可乎碩爲人好韻
語乃謂明曰寧自乞酒以清醺不能與阿夫
竟殘年後一朝忽著布帽詣孟明少時明卒
先是孟明長史沈仲玉改鞭杖之格嚴重常
科碩謂玉曰天地嗷嗷從此起若除鞭格得
刺史玉信而除之及孟明卒仲玉果行州事
以宋元徽元年九月一日卒岷山通雲寺臨
亡語道人法進云可露吾骸急繫履著脚旣
而依之出口置寺後經二日不見所在俄而
有人從郫縣來遇進云昨見碩公在市市一
脚著履漫語云小子無宜適失我履一隻進

驚而檢問沙弥沙弥荅云近送尸時怖懼右
脚一履不得好繫遂失之其迹詭異莫可測
也後竟不知所終

釋慧安未詳何人少經被虜屬荊州人爲奴
執役勤緊主甚愛之年十八聽出家止江陵
琵琶寺風貌庸率頗共輕之時爲沙弥衆僧
列坐輒使行水安恒執空瓶從上至下水常
不竭時咸以異焉及受具戒稍顯靈迹嘗月
晦夕共同學慧濟上堂布薩堂戶未開安乃
縮濟指從壁隙而入出亦如之濟甚駭懼不
敢發言後乃與濟共至塔下便語濟云吾當
遠行今與君別頃之便見天人伎樂香花布

滿空中濟唯驚懼竟不得語安又謂曰吾前
後事迹慎無妄說說必有各唯西南有一白
衣是新發意菩薩可具爲說之於是辭去便
附商人入湘川中路患痢極篤謂船主曰貧
道命必應盡但出置岸邊不須器木氣絕之
後即施虫鳥商人依其言出卧岸側夜見火
炎從身而出商人怪懼就往觀之已氣絕矣
商人行至湘東見安亦已先至俄又不知所
之濟後至陟岵寺詣隱士南陽劉虬具言其
事虬即起遙禮之謂濟曰此得道之人入火
光三昧也時蜀中又有僧覽法衛並有異迹
時人亦疑得聖果

釋法匱本姓阮吳興於潛人少出家爲京師
積園寺法楷弟子楷素有學功特精經史瑯
琊王奂王肅並共師焉匱爲性恭默少語言
撲然自守不涉人事誦法華經一部寺有上
座勝法師老病匱從爲依止營護甚多及勝
亡擯葬如法每齋會得直聚以造栴檀像像
成自設大會其本家僑居京師大市是旦還
家又至定林復還積園後三處考覆皆見匱
來中食實是一時而三處赴焉介日晚還房
卧奄然而卒尸甚香軟手屈二指衆咸悟其
得果時猶爲沙彌而靈迹殊異遂聞於武帝
帝親臨幸爲會僧設供文惠文宣並到房頂

禮爲營理殮葬百姓雲赴覲施重疊仍以所得利養起枳園寺塔是歲齊永明七年也釋僧惠姓劉不知何許人在荊州數十年南陽劉虬立陟屺寺請以居之時人見之已五六十年終亦不老舉止起介無甚威儀往至病人家若瞋者必死喜者必差時咸以此爲讖凡未相識者並悉其親表存亡惠嘗至江邊告津吏求度吏迫以舟小未及過之須臾已見惠在彼兩岸諸人咸歎神異中山甄恬南平車曇同日請惠惠皆赴之後兩家檢覆方知分身齊永明中文惠要下京行遇保誌誌撫背曰赤龍子他無所言惠後還荆遇見

鎮西長史劉景蕤忽泣慟而投之數日蕤果
爲刺史所害後至湘州城南忽云地中有碑
衆人試掘果得二枚惠後不知所終或云永
元中卒於江陵時江陵長沙寺又有釋慧遠
者本沙門慧印之倉頭也印見其有信因爲
出家仍行般舟之業數歲勤苦遂有神異能
分身赴請及預記興亡等

釋慧通不知何許人宋元嘉中見在壽春衣
服趨介寢宿無定遊歷村里飲讌食噉不異
恒人常自稱鄭散騎言未然之事頗時有驗
江陵有邊僧歸者遊賈壽春將應反鄉路值
慧通稱欲寄物僧歸時自負重擔固以致辭

遂強置擔上而了不覺。重行數里，便別去。謂僧歸曰：「我有姊在江陵，作尼名慧緒，住三層寺。君可爲我相聞道，尋欲往言訖，忽然不見。」顧視擔上所寄物，亦失。僧歸，既至，尋得慧緒，具說其意。緒旣無此弟，亦不知何以而然。乃自往壽春尋之，竟不相見。通後自往江陵，而慧緒已死。入其房中，訊問委悉，因留江陵。少時，路由人家墳墓，無不悉其氏族死亡年月。傳以相問，並如其言。或時懸指偷劫道，其罪狀於是群盜遙見，通者輒間行避走。又於江津路，值一人忽以杖打之，語云：「可駛歸去看汝家，若爲此人至家，果延火所及，舍物蕩盡。」

齊永元初忽就相識人任漾求酒甚急云今
應遠行不復相見為謝諸知識並宜精勤修
善為先飲酒畢至墻邊卧地就看已死後數
十日復有人於市中見之追及共語久之乃失
釋保誌本姓朱金城人少出家止京師道林
寺師事沙門僧儉為和尚修習禪業至宋太
始初忽如僻異居止無定飲食無時髮長數
寸常跣行街巷執一錫杖杖頭掛剪刀及鏡
或掛一兩匹帛齊建元中稍見異迹數日不
食亦無飢容與人言始若難曉後皆効驗時
或賦詩言如讖記京土士庶皆敬事之齊武
帝謂其惑衆收駐建康明旦人見其入市還

檢獄中誌猶在焉誌語獄吏門外有兩饗食
來金鉢盛飯汝可取之既而齊文惠太子竟
陵王子良並送食餉誌果如其言建康令呂
文顯以事聞武帝帝既延入居之後堂一時
屏除內宴誌亦隨衆出既而景陽山上猶有
一誌與七僧俱帝怒遣推檢失所閤吏啓云
誌久出在省方以墨塗其身時僧正法獻欲
以一衣遺誌遣使於龍光罽賓二寺求之並
云昨宿旦去又至其常所造厲侯伯家尋之
伯云誌昨在此行道且眠未覺使還以告獻
方知其分身三處宿焉誌嘗盛冬袒行沙門
寶亮欲以納衣遺之未及發言誌忽來引納

而去又時就人求生魚鱸人爲辦覓致飽乃
去還視盆中魚游活如故誌後假武帝神力
見高帝於地下常受錐刀之苦帝自是永廢
錐刀齊衛尉胡諧病請誌誌往疏云明屈明
日竟不往是日諧亡載屍還宅誌云明屈者
明日屍出也齊太尉司馬殷齊之隨陳顯達
鎮江州江州薛誌誌畫紙作一樹樹上有鳥語云
急時可登此後顯達逆節留齊之鎮州及敗
齊之叛入廬山追騎將及齊之見林中有一
樹樹上有鳥如誌所畫悟而登之鳥竟不飛
追者見鳥謂無人而反卒以見免齊屯騎參
偃將欲謀反往詣誌誌遙見而走大呼云圍

臺城欲反逆斫頭破腹後未旬事發偃叛往
朱方爲人所得果斫頭破腹梁鄱陽忠烈王
嘗屈誌來第會忽令覓荆子甚急旣得安之
門上莫測所以少時王使出爲荊州刺史其
預鑿之明此類非一誌多去來興皇淨名兩
寺及今上龍興甚見崇禮先是齊時多禁誌
出入今上即位下詔曰誌公迹拘塵垢神遊
冥寂水火不能焦濡蛇虎不能侵懼語其佛
理則聲聞以上談其隱倫則遁仙高者豈得
以俗士常情空相拘制何其鄙狹一至於此
自今行來隨意出入勿得復禁誌自是多出
入禁內天監五年冬旱雩祭備至而未降雨

誌忽上啓云誌病不差就官乞活若不啓白
官應得鞭杖願於華光殿講勝鬘請雨上即
使沙門法雲講勝鬘講竟夜便大雪誌又云
須一盆水加刀其上俄而雨大降高下皆足
上嘗問誌云弟子煩惑未除何以治之誌答
云十二識者以爲十二因緣治惑藥也又問
十二之旨答云旨在書字時節刻漏中識者
以爲書之在十二時中又問弟子何時得靜
心修習答云安樂禁識者以爲禁者止也至
安樂時乃止耳後法雲於華林殿講法華至假
使黑風誌忽問風之有無答云世諦故有第
一義則無也誌往復三四番便笑云若體是

假有此亦不可解難可解其辭旨隱沒類皆如此有陳征虜者舉家事誌甚篤誌嘗爲其現真形光相如菩薩像焉誌知名顯竒四十餘載士女恭事者數不可稱至天監十三年冬於臺後堂謂人曰菩薩將去未及旬日無疾而終尸骸香軟形貌熙悅臨亡然一燭以付後閤舍人吳慶慶即啓聞上歎曰大師不復留矣燭者將以後事囑我乎因厚加擯送葬于鍾山獨龍之阜仍於墓所立開善精舍勅陸倕製銘辭於塚內王筠勒碑文於寺門傳其遺像處處存焉初誌顯迹之始年可五六十許而終亦不老人咸莫測其年有徐捷

道者居于京師九日臺北自言是誌外舅弟
小誌四年計誌亡時應年九十七時梁初蜀
中又有道香僧朗亦並有神力云

論曰神道之爲化也蓋以抑誇強摧侮慢挫
凶銳解塵紛至若飛輪御寶則善信歸降竦
石叅煙則力士潛伏當知至治無心剛柔在
化自晉惠失政懷愍播遷中州寢蕩竇羯亂
交淵曜篡虐於前勒虎僭凶於後郡國分崩
民遭屠炭澄公憫鋒鏑之方始痛刑害之未
夫遂彰神化於葛陂騁懸記於襄鄴藉秘况
而濟將盡擬香氣而拔臨危瞻鈴映掌坐定
凶吉終令二石稽首荒囊子來澤潤蒼萌固

無以校也其後佛調耆域涉公杯度等或韜
光晦影俯同迷俗或顯現神竒遙記方北或
死而更生或寔後空榔靈迹恠詭莫測其然
但典章不同祛取亦異至如劉安李脫書史
則以爲謀僭妖蕩仙錄則以爲羽化雲翔夫
理之所貴者合道也事之所貴者濟物也故
權者反常而合道利用以成務然前傳所紀
其詳莫究或由法身應感或是遁仙高逸但
使一分兼人便足高矣至如慧則之感香甕
能致痼疾消瘳史宗之過漁梁迺令潛鱗得
命白足臨刃不傷遺法爲之更始保誌分身
負戶帝王以之加信光雖和而弗汙其體塵

雖同而弗渝其真故先代文紀並見宗錄若
其誇衒方伎左道亂時因神藥而高飛藉芳
芝而壽考與夫鷄鳴雲中狗吠天上蛇鵠不
死龜靈千年曾是為異乎

讚曰土資水澤金由火煎強梁扈化假見威
權澄照襄土開導淄川惠茲兩葉綏彼四邊
如不繫賴民命何全

高僧傳卷第十

霍

兄郭反邵

匱

求反位

槃

上音盤下

基

下音愁

陽

上力閉反

婁

上音蹠

女展反

焚

下力照反燎

灰

下徐反哇

畔

上音

踐也

區淹沒也上邑閬音浪蜀徒跣下赤足先典反

甕於貢黃縑下音兼朱彤冬反穉擅上反效下音憑時毒

扇掠音略土壤下音代以土德凭埭上音倚也或

寫誤矣傳謳唱上烏侯引昨大紵上引字下音也栖

醵丘上音西息也也機捷下才稽古上音倏忽

正作條塤烏侯盞也也艾吾蓋反也適音摘責也會

稽上俱外反也風棹下直孝也縑縷上郎甘

蛙反衣破扣音苦候反一履奇逆反圖

子織市專反竹航戶剛反也顧下音也也麵

充州上緣音樹童窺傾彌反也沛國上音

萎烏為反也鞞履上與靴同和反也怡然上

悅反和也觀施上初反也餒紆瑞剡縣染上時反

佉 上丘 下竹加 反 窻 下丘 逆 葬 上子 浪 反

作 又 昊 蒼 上胡 道 反 衿 今音 岫 神音 悅 下音 亦

時 劣 反 嘗 一 游 水在 見反 鈍 徒困 反 券 書 雙 反

也 又 昌 悅 反 一 游 水在 見反 鈍 徒困 反 券 書 雙 反

願 上 反 高 驪 下音 離 船 大音 白 叩 頭 上音 舫 雙音 放

日 箠 二字 並之 委 施 舫 木也 反 正 窰 子 上 定 反 廨

公 署 也 杜 徒 戶 崗 音 剛 山 託 跋 燾 上 二 字 復

盜 名 也 猜 嫉 上 七 才 反 掠 音 略 竄 鹿 音 反 梟

後 魏 帝 也 猜 嫉 上 七 才 反 掠 音 略 竄 鹿 音 反 梟

所 懸 曰 堯 反 斬 首 倒 遽 其 預 反 佩 劍 上 蒲 反 檻

獸 之 反 閑 饑 之 反 紆 瑞 愆 失 上 去 乾 反 癘 疾

疫 上 音 例 濬 反 私 閏 迄 于 上 許 訖 戶 鑰 下 音 藥

匕 鉢 匙 上 音 妣 爨 鹿 筭 反 魏 虜 下 音 寒 峽 下 侯 反

祝忽 亦上兄往反 酣 樂何甘反 壘中 反上莫班言 謔

下許約 協和也 反 識 楚禁反未 甫 匐 反上音 蒲

地而伏 挹事 作上抱合 衣 聲下去也 清 嚙 反下吞一皮音 見

也樂也 謙 嗷 嗷 反吾高 元 徽 年下音 暉 岷 山 反上吞音 蜀

地名 耶 縣 皮上音 詭 異 委上過 綰 紆板反 陟 屺 反下音

起也 虬 渠幽 枳 園 只上音 楷 反口買 僑 居 反上居嬌 甄 音

恬 上音真下徒添反 誌 音 菱 玉 而誰 遊 賈 古下音 客

亦 餉 詩尚反 屏 除 二上併餅非 漾 余 向 僻 異 反上實 疋

針 鄱 陽 郡名音 婆 焦 濡 反上子消 反下而朱 鄙 固

也 狹 下侯夾反 鄙 也 鄙 也 祭 赤帝也 祈 雨 抑 憶 夸 強

上 侮 慢 輕也音武 挫 抑也 友 銳 也 羊 歲 反 勇 竦

作 誇 上 侮 慢 輕也音武 挫 抑也 友 銳 也 羊 歲 反 勇 竦

作 誇 上 侮 慢 輕也音武 挫 抑也 友 銳 也 羊 歲 反 勇 竦

石

勇上反息

竇

音丘

鋒鏑

也下

鏑箭

的頭

鋒利

也騁

反丑

領

寔

彼

反

音

也

誇

街

上

苦

花

反

下

音

鵠

反

胡

篤

音

蓄川

溜上

側

思

反

正

作

綏

音

雖

也

鵠

反

胡

篤

音



